



Lembaga Minyak Sawit Malaysia

MALAYSIAN PALM OIL BOARD (MPOB)

Bil. Tuan / Your Ref.:

Bil. Kami / Our Ref.:

(09)04/C/P/656/2/Jil.2

14 Jun 2007

HARI BERTEMU PELANGGAN
SETIAP JUMAAT MINGGU KE-3 SETIAP BULAN

Tempat: Tingkat 4, Bahagian Pelesenan dan Penguatkuasaan
Wisma Sawit, MPOB Kelana Jaya

Masa: 9.00 pagi - 12.00 tgh. &
3.00 ptg. - 4.00 ptg.

Pk (EF) MPOB 08/2007

Semua Pemegang Lesen Kategori Estet

Tuan

PENGUATKUASAAN PERINTAH LEMBAGA MINYAK SAWIT MALAYSIA (SES) (BUAH KELAPA SAWIT) 2007 KE ATAS KATEGORI ESTET

Dengan hormatnya saya merujuk kepada perkara di atas.

2. Dimaklumkan bahawa, sebagaimana kuasa yang diperuntukkan di bawah Seksyen 35 Akta Lembaga Minyak Sawit Malaysia 1998 (Akta 582), YB Menteri Perusahaan Perladangan dan Komoditi setelah berunding dengan Menteri Kewangan membuat suatu perintah bernama **Perintah Lembaga Minyak Sawit Malaysia (Ses) (Buah Kelapa Sawit) 2007**.

3. Ses di bawah Perintah Lembaga Minyak Sawit Malaysia (Ses) (Buah Kelapa Sawit) 2007 hanya dikenakan ke atas buah kelapa sawit yang dikeluarkan oleh estet-estet sahaja. Bersama-sama ini dilampirkan **Pekeliling Penguatkuasaan (Penguatkuasa) MPOB 08/2007 [Pk (EF) MPOB 08/2007]** yang memperincikan peruntukan Perintah tersebut.

4. Sehubungan dengan itu, pihak tuan dikehendaki mematuhi peruntukan undang-undang di bawah Perintah Lembaga Minyak Sawit Malaysia (Ses) (Buah Kelapa Sawit) 2007 dan pihak kami menggalakkan tuan membuat bayaran **SEGERA** ses yang kena dibayar untuk mengelakkan tindakan penguatkuasaan MPOB.

Sekian, terima kasih.

"MESRA, ADIL, TEGAS DAN AMANAH"

Yang benar,

DATO' DR MOHD BASRI WAHID
Ketua Pengarah
MPOB

- s.k. i. Setiausaha Eksekutif MPOA
ii. Setiausaha Eksekutif EMPA
iii. Yang Dipertua PKPKM

Jabatan Pendaftaran dan Pelesenan
Wisma Sawit



**LEMBAGA MINYAK SAWIT MALAYSIA
BAHAGIAN PELESENAN DAN PENGUATKUASAAN
PEKELILING PENGUATKUASAAN (PENGUATKUASA)
MPOB**

Rujukan Pekeliling :Pk (EF) MPOB 08/2007
Tarikh Kuatkuasa :1 Jun 2007
Perkara :PENGUATKUASAAN PERINTAH LEMBAGA MINYAK SAWIT
MALAYSIA (SES) (BUAH KELAPA SAWIT) 2007 KE ATAS
KATEGORI ESTET

1.0 TUJUAN

Untuk memaklumkan penguatkuasaan Perintah Lembaga Minyak Sawit Malaysia (Ses) (Buah Kelapa Sawit) 2007 ke atas pengeluar buah kelapa sawit iaitu kategori estet.

2.0 LATAR BELAKANG

- 2.1 Kenaikan harga minyak sawit mentah telah menyebabkan pengilang dan pembungkus minyak masak beroperasi pada kerugian berikutan penetapan paras harga minyak masak pada paras siling semasa untuk pengguna tempatan. Oleh yang demikian, kerajaan telah memutuskan untuk melaksanakan Skim Penstabilan Harga Minyak Masak untuk membiayai kerugian yang dialami dan dana bagi membiayai skim ini adalah melalui pungutan ses yang dikenakan ke atas estet.
- 2.2 Susulan daripada itu, sebagaimana kuasa yang diperuntukkan di bawah Seksyen 35 Akta Lembaga Minyak Sawit Malaysia 1998 (Akta 582), YB Menteri Perusahaan Perladangan dan Komoditi setelah berunding dengan Menteri Kewangan membuat suatu perintah bernama Perintah Lembaga Minyak Sawit Malaysia (Ses) (Buah Kelapa Sawit) 2007.

3.0 PERINTAH SES

3.1 Kuat kuasa

- Perintah Lembaga Minyak Sawit Malaysia (Ses) (Buah Kelapa Sawit) 2007 telah diwartakan pada 31 Mei 2007 dan mula berkuat kuasa pada 1 Jun 2007. Bersama ini dilampirkan salinan Perintah tersebut, rujuk Lampiran 1.

3.2 Pihak terlibat

- Ses di bawah Perintah ini dikenakan ke atas pengeluar buah kelapa sawit iaitu estet dan tidak termasuk-
 - (a) mana-mana tanah kerajaan yang mengusahakan tanaman kelapa sawit yang mana peneroka atau peserta ditempatkan di tanah tersebut; atau

JABATAN PENDAFTARAN DAN PELESENAN
WISMA SAWIT

Lot 6, SS6, Jalan Perbandaran, 47301 Kelana Jaya, Selangor, Malaysia. Peti Surat 8073, 46781 Kelana Jaya, Selangor, Malaysia.
Telefon: 603-78035544 . Faks:603-78034014 603-78061485 . <http://www.mpob.gov.my>



**LEMBAGA MINYAK SAWIT MALAYSIA
BAHAGIAN PELESENAN DAN PENGUATKUASAAN
PEKELILING PENGUATKUASAAN (PENGUATKUASA)
MPOB**

- (b) mana-mana kebun kecil kelapa sawit yang dimiliki oleh individu yang mana pengurusan kebun tersebut adalah di bawah kawalan dan pentadbiran agensi-agensi kerajaan.

3.3 Kadar ses

- Kadar ses buah kelapa sawit adalah seperti di Jadual 1, Perintah Lembaga Minyak Sawit Malaysia (Ses) (Buah Kelapa Sawit) 2007. Contoh pengiraan ses seperti di **Lampiran 2**.

3.4 Pembayaran

- Pembayaran ses hendaklah dibuat kepada Lembaga sebelum hari terakhir setiap bulan atas buah kelapa sawit yang dikeluarkan oleh estet dalam bulan sebelumnya. Ini bermakna, bayaran ses untuk pengeluaran buah kelapa sawit bulan Jun 2007 hendaklah dibayar kepada Lembaga pada atau sebelum 31 Julai 2007.

3.5 Kaedah pembayaran

i. **Secara pos**

- Pembayaran ses boleh dibuat dengan cara cek berpaling / draf bank / wang pos atas nama Ketua Pengarah MPOB dengan menyatakan nombor lesen MPOB, nama estet, bulan pengeluaran, jumlah pengeluaran buah kelapa sawit (tan metrik) dan jumlah bayaran dan dialamatkan kepada:

Ketua Pengarah
Lembaga Minyak Sawit Malaysia
Lot 6, SS6, Jalan Perbandaran
47301 Kelana Jaya
Selangor.
(u.p. En. Hamka Hj. Mohd Salleh)

ii. **Bank-in**

- Bayaran juga boleh dibuat di mana-mana kaunter cawangan Bank Islam Malaysia Berhad atau kemasukan ke mesin terimaan cek (*cheque deposit machine*) Bank Islam Malaysia Berhad untuk dikreditkan ke akaun Lembaga nombor 12029010050300 dengan menyatakan nombor lesen MPOB serta nama estet di slip masuk bank.

JABATAN PENDAFTARAN DAN PELESENAN
WISMA SAWIT

Lot 6, SS6, Jalan Perbandaran, 47301 Kelana Jaya, Selangor, Malaysia. Peti Surat 8073, 46781 Kelana Jaya, Selangor, Malaysia.
Telefon: 603-78035544. Faks: 603-78034014 603-78061485. <http://www.mpob.gov.my>



**LEMBAGA MINYAK SAWIT MALAYSIA
BAHAGIAN PELESENAN DAN PENGUATKUASAAN
PEKELILING PENGUATKUASAAN (PENGUATKUASA)
MPOB**

- iii. Pindahan wang secara elektronik (*Electronic Fund Transfer, EFT*) dan lain-lain kaedah pembayaran

Bayaran secara *EFT, Interbank GIRO (IBG)* dan *bank standing instruction* perlu dimaklumkan kepada Lembaga secara fax di nombor 03-78032323 dan disusuli dengan penghantaran secara pos.

4.0 PEMAKAIAN

Pekeliling Penguatkuasaan (Penguatkuasa) MPOB 08/2007 [Pk (EF) MPOB 08/2007] adalah terpakai kepada pemegang lesen kategori estet kecuali estet di para 3.2 (a) dan 3.2 (b).

5.0 TARIKH KUATKUASA

Pekeliling penguatkuasaan ini berkuatkuasa mulai 1 Jun 2007.

6.0 PENGESAHAN & KELULUSAN

DATO' DR MOHD BASRI WAHID
Ketua Pengarah
MPOB

Tarikh: